

## Ming eetste Fründin

Refrain:

Ming eetste Fründin, dat wor et Meier's Kättche  
un ich fuhr mem Rädche Dach für Dach zo im  
Et Meier's Kättche fuhr dann met om Rädche  
un dann dät et laache, su wie ne Sunnesching  
un dann dät et laache, su wie ne Sunnesching.

1. Als kleine Fetz do wor ich King bei uns en d'r Stroß  
un fuhr ich met mingem Rädche met drei Jäng dodurch  
jo, do wor vielleicht jet loß.  
Et Meier's Kättche us d'r Rhingjaß  
dat hatt mich dann och ens  
mem Rädche jesinn.  
Un zick dem Dach hatt ich beim Kättche ne janz decke Stein  
em Brettche dren.

Refrain:

Ming eetste Fründin...

2. Met veezehn kom ich en de Lühr als Installateur  
do dät ich janz jot verdeene un bal schon hatt ich  
e Moped vür d'r Dür.  
Doch nevenan dä Weber's Mattes, dä wor schon Jesell  
hatt mih Jeld als ich  
Un et Kättche fuhr mem Mattes em Auto un leet mich  
janz einfach em Stich.

Refrain:

Ming eetste Fründin..